

**NOTHING
ABOUT US
WITHOUT US**

**INTET OM OS
UDEN OS**

**PEQATAATINNATA
UAGUT PILLUTA
EQQARTUIISOQAS-
SANNGILAQ**



UKIUMOORTUMIK NALUNAARUT 2023



NASSUIAAT

Saqqummersitsisoq: Tilioq 2024

Allattut aaqqissuisullu:

Anja Hynne Nielsen, Sofie Kjøller Salling
og Emma Christensen

Assit: Tilioq, private fotos

Nutserisoq: Dorthe Kielsen

Titartagartaanik suliarinnittoq:

Ivalu Risager // irisager.gl

Siulequt

Ukioq 2023 tassaasimavoq tunniusi-maffiusoq aamma Kalaallit Nunaanni inuit innarluutillit naligiimmik pisin-naatitaaffeqarnissaat periarfissaqarnissaallu pillugit suliniuteqarnermi nukituumik suleqatigiiffiusimasoq. “Inuk qitiutillugu” qulequtaralugu Ilulissani ukiuootumik ataatsimeersuartoqarpoq, tassani Peqatigiiffik Orpigaq qaaqqusi-suuvoq ataatsimeersuarnerullu iluatsilluarneranut pis-sutaqataapput. Tamatumani tunngavigisarpur aallaavigineqarpoq: “Nothing about us without us”. Inuit innarluutillit taakkununga tunngassutilinni aalajangiinerni tamani peqataatinneqartarnissaannik sulissuteqarpugut. Innarluutillit peqatigiiffisa nukittorsarnissaat pingaarutillit ingerlataqartut sulissutigarpur. Tassami inuit innarluutillit namminneq inuuneqarpur aamma misilitta-gaat aaqqiissutissarsiornermi pingaaruteqassappur.

Ajoraluartumik ukiuni arlalinni amerlasuut unammilligassaqarsimasut Tiliumi misigarpur. Innuttaasunik qanigisaasunillu oqaloqarnitsinni piviusut paasivavut, tassani Kalaallit Nunaanni innuttaasut qajannarnerpaamik inissimasasut ilaat aaqqissuussaannikkut allaffissornikkullu aporfiit pissutaallutik naapertuilluartuliorfigineqarnerup tungaatigut naligiimmillu periarfissaqarniarnerup tungaatigut aporfilerorneqartarpur. Suliniutinut immikkut it-tun, pitsaanagerusumik sullinneqarnissamut, ilinniakkanut peqataatitsisunut inuttullu atugarissaarnermut periarfissat tungaatigut unammilligassat sulii annertupput. Inatsit malinneqanngikkajuttarpoq, innuttaasut pisup/suliap ingerlanerani tunniutiinnartarpur, nunagisaminniit nuut-tarpur, nappaammik suussusersisoqartarpoq, inuttut ajornartorsiteqartarpur, peqataatinneqannginnermik misigisarpur kiserliortarlutillu. Ataatsimut suliniuteqarnis-saq oqartussaasullu inuiaqatigiillu aningaasaliinissaat pi-sariaqarpur. Ajornartorsitit annertuut ajutoortoqartillugu kommissionimit aaqqinneqarnissaat pisariaqartipparpur.

2023-mi ataatsimeersuarnermi inuk qitiutillugu aalaj-angersimasumik aaqqiissuteqarnissaq qitiutipparpur. Oqa-loqatigiinnerit workshoppillu aqutugalugit innersuussutit tunniunneqarpur, taakku FN-ip inuit innarluutillit pillugit isumaqatigiissutaani artikeli 19 naapertorlugu nammineq aalajangiisinaanermut pisinnaatitaaffimmur naaper-tuupput. Assersuutigalugu BPA-aaqqiissutit angerlarsi-maffimmilu sungiusarnermit erserpoq aaqqiissutit inunut ataasiakkaanut taakkulu takorluugaannut naleqqussarne-qarsinnaappur naleqqussarneqartariaqarlutillu. Inuit mar-



luk assigiimmik pisin-naasakinnerulersimasut assigiimmik aaqqiissuteqarfigineqartariaqanngillat – nammineq inuunerminnut sunniute-qarsinnaatitaanerit pingaaruteqarpoq.

Sulinitanni nutaanik ilisimasaqalerpugut suleqatigiillu-talu, taakku Kalaallit Nunaanni inuiaqatigiinni kikkut tamarmik assigiimmik atugassaqartitaallutik peqataasin-naaffiannut tapertaasinnaappur. Saqqummersitarput, “Takorluukkat piviusunngorsinnaappur”, taanna ataatsi-meersuarnermi isumassarsiamit pinngorpoq qanorlu peqatigiilluta aporfinnik piiasaanerluta inuillu innarluutillit iliuuseqarsinnaanerulersinnaanersut tassani taku-tinneqarpoq.

Naalagaaffiit Peqatigiit nunat inoqqaavisa pisinnaatitaaffii pillugit immikkut ittumik nalunaarusiortartuatat José Francisco Calí Tzayip 2023-mi Sisimiunut tikeraarnerani oqaloqatiginera allanngortoqartariaqarneranut uppernar-saasaavoq.

Taamaammatt ukiup ingerlanerani innuttaasut, politikerit soqutigisaqatigiillu oqaloqatigisimavavut, aammali al-larpassuit ingerlataqartullu nutaat oqaloqatigisimavavut. Inuiaqatigiinnut tamanut attuumassuteqartut eqqarsaati-galugit Tiliumi sulisut ikitsuaraavugut; inunngornermiit toqunissap tungaanut, meeqqerivinniit mittarfinnut nalut-tarfinnullu. Innarluutit assigiinngiaartuupput tamattalu eqqorneqarsinnaavugut. Taamaammatt 2022-miit ingerla-taqartatut attaviginissaat siunertarisimavara. Taamaam-mat ukioq 2023 ataatsimiiffiungaatsiarsimavoq nutaanillu suleqatigiilerfiilluni. Taamaallaat peqatigiilluta “Kalaallit Nunaat tamanut” pilersissinnaavarpur, tamatsinnut ilua-qutaasumik inuiaqatigiinni aporfiit piissavavut, inuit ani-ngaasaliiffineqassappur aaqqiissutissanillu pilersitsiso-qassaaq. Inuit Innarluutillit pisinnaatitaaffii pillugit Naala-gaaffiit Peqatigiit isumaqatigiissutaata Nunarsuarmilu anguniakkat siunissamut siulersussavaatigut, tassa kina-luunniit qimanneqassanngilaq ataatsimoomnikkullu nukit-tunerulissaagut.

Inussiarnersumik inuulluqqusillunga,

Anja Hynne Nielsen

Innarluutillit illersuisuat

IMAI

Siulequt	3
Ukioq qaangiuttoq	5
Suliat	9
Saqqummersitat	12
Innuttaasut saaffiginnissutaat	13
Tiliumut tapiisut	15

Tiliumi sulisut Ilulissani maj 2023



UKIOQ QAANGIUTTOQ

JANUAR

- Inuit Innarluutillit pillugit oqaaseqartartoq Naalakkersuisut isumasioqatigiinneranni “Siunissami ilaqutariit - toqqissimasat, ingerlataqartut asannittullu”-mi peqataavoq.
- ”Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaanut iliuusissatut pilersaarut” pillugu Inuit Innarluutillit pillugit oqaaseqartartoq innarluutillit peqatigiiffiit, Naalakkersuisumik Mimi Karlsenimik, MIO-mik IPS-imillu ataatsimeeqateqarpoq.
- Aaqqissuussinerit iserfigineqarsinnaanissaat pillugu Nuuk Snow Festivalimik aaqqissuisut Tiliumit siunnersorneqarput.
- Inuit Innarluutillit pillugit oqaaseqartartoq Kalaallit Nunaanni suliniummik Solsikkemik ujamimmik – Sunflower Hidden Disabilitymik – aallarniivoq. Aallarnisarluni Pissarsarfimmik NIIK-imillu oqaloqateqarnerit.
- Inuk Mediap suleqatigineratigut piviusulersaarut nutaq “Innarluutiga KINAASSUSERINNGILARA” aallartisarneqarpoq.



Naalagaaffiit Peqatigiinni immikkut nalunaarsiortartoq José Francisco Calí Tzay aamma Inuit innarluutillit pillugit oqaaseqartartoq Anja Hynne Nielsen

FEBRUAR

- Tilioq Naalagaaffiit Peqatigiinni nunat inoqqaavisa pisinnaatitaaffiit tunngatilugu immikkut nalunaarsiortumit, José Francisco Calí Tzayimit pulaarneqarpoq. Inuit Innarluutillit pillugit oqaaseqartartoq immikkut nalunaaruteqartumut pilersaarusiorpoq, taamaalluni taassuma Sisimiuniinnerani ilaatigut Gertrud Rask Minde aamma Knud Rasmussenip højskolia pulaarpaa.
- Naalagaaffiit Peqatigiinni immikkut nalunaarsiortup Sisimiuni peqatigiiffinnik assigiingitsunik, tassunga ilanngullugit ISI-mik, Sisimiut Qimussermik, Eqalummik aamma Knud Rasmussenip højskolianik ataatsimeeqateqarnissaanut Tilioq aaqqissuussisimavoq.
- Kalaallit Nunaanni Inuit Pisinnaatitaaffii pillugit Siunnersuisoqatigiit (IPS) ukiut qulinggortorsiorlutik nalliuttorsiorput. Nalliuttorsiornermi Tilioq peqataavoq.

MARTS


- Siunissami kalaallit oqaasiisa ineriartornerat pillugu “Nunarsuarmioqatigiinni peqataanerulernerimi oqaatsivut” pillugit Inuit Innarluutillit pillugit oqaaseqartartoq Naalakkersuisut Nuummi oqaatsit pillugit ataatsimeersuartitsineranni peqataavoq.
- Tilioq suliniummik “Pinngortitaq tamatsinnut”-mik taasamik aallartitsivoq.

APRIL

- Inuit Innarluutillit pillugit oqaaseqartartoq atuarumangitarneq pillugu Nuummi ataatsimeersuarnermi peqataavoq.
- Naalagaaffiit Peqatigiit innarluutillit pillugit isumaqatigiissutaat eqqortinniarlugu nuna tamakkerlugu iliuusissatut pilersaarummi qitiutinneqartussanut tunngatillugu MIO, IPS aamma Tilioq 18-inik siunnersuutininik saqqummiussipput.
- Ilisimatusarfik aamma Aalborgimi Universitetip suleqatigiinnerisigut praktikkertorput Sofie aamma praktikkertussarput lvalu specialeliaminnut atatillugu ilisimasani katersiniarlutik sinerissami angalasimapput.
- Tilioq Avannaata Kommuniani innarluutilinnut politikki pillugu tusarniaanermi akissuteqarpoq.

MAJ

- Allattoqarfimmi aqutsisoq Karen Lerch Tiliup tikilluaqquneqarpoq.
- “Inuk qitiutillugu” pillugu Tiliup ukiumoortumik isumasioqatigiissitsinera aamma ataatsimeersuartsinera 100-t sinnerlugit peqataasoqarluni 100-t sinnerlugit peqataasoqarluni Ilulissani Orpikkami ingerlanneqarpoq.
- Tiliup Qs Greenland aamma Nas Daily naappipai, taakku tamarmik inuit innarluutillit pisinnaatitaaffiisa isiginiarneqarnerulernissaannut tunngatillugu inoqatinut attaveqaatik malinnaaffigineqarluartut atorpaat.
- Tiliup “Nothing about us without us” pillugu festivalertitsinerani inoqarluarpoq. Ilaatigut Orpikkami siulittaasoq Thorkild Jeremiassen aamma Inuit Innarluutillit pillugit oqaaseqartartoq oqalugiartut, § 33-mut siunnersuutitik katersisoqarpoq, peqatigiiffinit paasisutissiisoqarpoq aamma eqqumiitsulianik tuniniaasoqarpoq kiisalu Frederik Elsner Mariinalu nipilersorlutik akunniliipput.
- Innarluutillinnut tunngatillugu allannguisoqartariaqarneranik kiisalu paqum-nartuerunnissaanik qitiutitsinissaq anguniarlugu nukiit katersornissaat siunertaralugu “#taasinerittitusindtit/#titusindstemmer” allannguiarneq saqqum-merisneqarpoq taamatullu taaguutilimmik facebookimi gruppiliortoqarluni. Inuit innarluutillit taakkulu qanigisaat nipeqarput.
- Ilulissani innuttaasunut siunnersuisarfik. Innarluutillit pillugit oqaaseqartartoq Tiliupilu innuttaasunik sullissisoq Marita Orpikkami ammasumik innuttaasunik siunnersuisimapput. Innuttaasorpassuit imaannaangitsunik ajornartorsiutillit siunnersortinniarlutik ornigussimapput.
- Tilioq “Qanigisariinni nakuusertarnerup akiorneqarnissaa pillugu iliuusissatut pilersaarut 2023-2027”-mut tusarniaanermi akissuteqarpoq.
- Tilioq ” Qamani – Imminut toqunnissamik pinaveersaartitsineq pillugu periusissiaq 2023-2028” mut tusarniaanermi akissuteqarpoq.
- Tilioq meeqqanut tapersersuisarneq pillugu inatsisip allanngortinnissaanut tunngatillugu tusarniaanermi akissuteqarpoq.
- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuummut tunngatillugu Tilioq tusarniaanermi akissuteqarpoq.



Aaqqissuussinerup aallartinnerani “Nothing about us without us” Ilulissani ingerlanneqarnerani nipilersortartut Frederik Elsner Mariinalu Inuit innarluutillit pillugit oqaaseqartartoq Anja Hynne Nielsen assiliseqatigaat.

Peqatigiiffimmi ilaasortat Ilulissani Orpikkami Tiliup “Nothing about us without us”-mik taasami isumasioqatigiissitsinerani.




JUNI

- Tilioq KNR-ip katersuiniartitsinerani 246.328 kr.-nik pisarsivoq. Allattoqarfimmi aqutsisoq Karen Lerch Suusi Ostermann KIIP-meersoq (Kalaallit Inuusuttut Innarluutillit Peqatigiiffiat) peqatigalugu toqqaannartumik fjernsynikkut aallakaatitsinerami checkimik tigusivoq.
- Norgep Stolthedspademik aaqqissuussinerani nittartakkakut Tiliumit peqataasoqarpoq. Inunnut innarluutinnut qinngasaarinnermut tunngatillugu KIIP-mit aamma ISI-mit ilaasortat oqariartuummut peqataapput.
- Naligiissitaaneq assigiinngisitsinnginnissarlu pillugit Inatsisartut inatsisaannut siunnersuummut tunngatillugu Tilioq tusarniaanermi akissuteqarpoq.



JULI

- Suliniummik suliaqartoq nutaaq Emma Christensen Tiliumit tikilluaqquneqarpoq.
- Emma Ilulissani ICC-ip ataatsimeersuartsineranut peqataavoq



AUGUST

- Morten Rutkjær aamma Kasper Hjulmand Københavnimi meeqqanut inuusuttunullu Cerebal Pareselinnut isikkamik arsarnermi unammiaaqaqatigiissitsisoqarnerani peqataapput, aamma Kalaallit Nunaanniit peqataasoqarpoq.
- Inuit Pisinnaatitaaffii pillugit Institutti aamma Inuit Pisinnaatitaaffiut Kalaallit Nunaata Siunnersuisoqatigiivi peqatigalugit Tilioq saqqummersitsivoq: “Kalaallit Nunaanni najugaqarfissatut neqeroorutini aamma ulloq unnuarlu neqeroorutini kinguaassiuutitigut kannguttaatsuliorfigineqarnissamut illersuineq”.
- Tilioq “2024-2034-mut Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaanut iliuusissatut pilersaarut”-mut tusarniaanermut akissuteqarpoq.

OKTOBER

- Inuit innarluutillit tapersorsorneqarnissaannut Inatsisartut inatsisaata qitiutillugu Nuummi workshopertitsineq Tiliumi suleqatigiinnit peqataaffigineqarpoq.
- Kommuneqarfik Sermersuumi sapaatip akunnerani 41-mi innarluutinnut ulloritinneqartumut tunngatillugu sammisaqarnermi Tiliumit peqataasoqarpoq, tassani ilaatigut ”Takorluukkat piviusunngorsinnaapput” naqitanngorlugu saqqummersipparput. Sermitsiamiamit pulaarneqarpugut, taakku saqqummersitsinerput pillugu ilanngutasiorlutik takisuumik allaaserinnipput.
- Ilinniartitaanermut aqutsisoqarfiup meeqqat atuarfii pillugit workshopertitsinerani Tiliumit peqataasoqarpoq.
- Meeqqat tapersorsorneqarnissaannut inatsimmik allannguissamut tunngatillugu Tilioq tusarniaanermi akissuteqarpoq.
- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsissaattut siunnersuummut tunngatillugu Tilioq tusarniaanermi akissuteqarpoq.
- Tilioq “Meeqqat atuarfiat – ilinniartitaanermut periusissaq pillugu workshopertitsineq”-mi peqataavoq.

SEPTEMBER

- Filmimik “Twice Colonized”-imik saqqummersitsineranut atatillugu Tilioq Inuit Pisinnaatitaaffii pillugit Instituttimi aamma Inuit Pisinnaatitaaffiut Kalaallit Nunaata Siunnersuisoqatigiivini sinniisunit pulaarneqarpoq.
- Innuttaasut sullissisullu sunniiveqatigiinnerannik tapersorsorniarlugit Tilioq atuagaaqqamik oqaloqatigiinnermilu najoqqutassamik saqqummersitsivoq.
- Tappiitsut naapeqatigiinnerannut atatillugu ISI Tiliumut pulaarpoq, tassani Kalaallit Nunaat tamakkerlugu tappiitsut isigiarsuttullu kater-suupput.

NOVEMBER

- Inuit Pisinnaatitaaffiit Kalaallit Nunaata Siunnersuisoqatigiivisa sammisaqartitsillutik unnussuiaaqatigiinneranni Inuit innarlutillit pillugit Oqaaseqartartoq "Piumassuse-ringisamik nuuttarneq" pillugu oqalugiartop.
- Inuit innarlutillit pillugit Oqaaseqartartoq Tilioq aamma Københavns Universitetimi inatsilerituunnngorniarlutik ilinniartunut Inuit innarlutillit pillugit isumaqatigiissu-mik suliaqarneq pillugit onlinekkut saqqummiussivoq.
- Inuit innarlutillit pillugit oqaaseqartartup suliniutinik suliaqartoq Emma ilagalugu Naalakkersuisumik Jess Svanemik, Naalakkersuisumik Aqqaluaq B. Egedemik, Naalakkersuisumik Erik Jensenimik, Naalakkersuisumik Vivian Motzfeldtimik kiisalu Naalakkersuisumik Hans Peter Poulsenimik ataatsimeeqateqarpoq. Kalaallit Nunaanni inunnut innarlutillinnut pissutsit pillugit, innarlutillinnut tunngatillugu pitsanngorsaatisannut aningaasaliinissamut periarfissanik erseqqissaanissaq pillugu, Tiliup tamanut naleqqussaaneq pillugu Tiliup 2024-mi ataatsimeersuar-titsineranut tunngatillugu ilisimatitsinissaq pillugu kiisalu pitsaasumik ingerlaavartumillu oqaloqatigiinnissamik qulakkeerinninnissaq pillugu ilisimatitsinissaq ataatsi-miinnerni siunertaapput.
- Inuit innarlutillit pillugit oqaaseqartartoq Nuummi Greenland Science Conferencemi peqataavoq aamma suliniutinik suliaqartoq Emma Sisimiuni Greenland Science Weekimi peqataavoq. Tassani ilisimatusarneq, innarlute-qarneq tamanullu naleqqussaaneq qitiutinneqarput.
- Erasmus+ pillugu workshopertitsinremi "Connect for Inclusion - Erasmus+ Youth and European Solidarity Corps – What's in it for young people with disabilities?"-imi peqa-tigiiffiit allat, innarlutillit, inuusuttunik taakkuninnga-luunniit tamanik sullissisut EU-mi nunanit assigiinngitsu-neersut peqatigalugit Marita Emmalu peqataapput
- Inuit innarlutillit pillugit oqaaseqartartoq allattoqarfim-milu aqutsisoq Nuummi Isumaginnikkut ataatsimeer-suarnermi peqataapput, tassani Inuit innarlutillit pillugit Oqaaseqartartoq "Kisitsisit ilisimaneqanngitsut eqqoriar-neqartartulli – ilisimatusarneq, suleqatigiinneq allanngoriartornerlu" pillugu saqqummiivoq.
- QAPIUT - kommunini suliaqarfinni assigiinngitsuni sanaartornermut sulianik sullissisut oqallittarfiat Sisimiuni ingerlanneqarmat Inuit innarlutillit pillugit oqaaseqartar-toq saqqummiivoq.
- Allattoqarfimmi aqutsisoq Qaqortumi autismertut peqatigiiffiata naapitsinerani peqataavoq.
- Inuit innarlutillit pillugit oqaaseqartartoq Kalaallit Nunaanni nuna tamakkerlugu ilinniartitaaneq pillugu siunnersuisoqatigiit pillugit workshopertitsinermi peqataavoq.
- Tilioq Inuit Pisinnaatitaaffii pillugit instituttimit pulaarne-qarpoq. Taakku Sisimiuni tikeraarneranni Inuit innarlutillit pillugit oqaaseqartartup pilersaarusiuppai.



Inuit innarlutillit unam-millernartitaat – aqqiis-sutissallu, aningaasalii-nerit oqaloqatigiinnerillu qitiutillugit Inuit innarlutillit pillugit oqaaseqartar-tup Naalakkersuisuni ilaa-sortat ataatsimeeqatigai. Uani Naalakkersuisoq Jess Svane assiliseqatigaa.



Tiliup 2023-mi juullimut pilluaqqussutaa ukior-taamullu pilluaqqussu-taa eqqumiitsuliortu-mit Nico Cortzenimit suliarineqarput.

DECEMBER

- Saqqummersitaq nutaaq: Innuttaasut saaffiginnittar-nerannik misissuineq 2022-meersoq "Aqqiissuussaa-nikkut nakkaakkiartorneq"
- Saqqummersitaq nutaaq: Ukiumoortumik nalunaarussiaq 2022-meersoq.
- "Meeqqanut Ilaqtariinnullu Sullissiviit, Ilaqtariit Illui aamma Qimarnuguit pillugit Namminersorlutik Oqartussat nalunaarutaat"nnut tunngatillugu Tilioq tusarniaanermi akissuteqarpoq.
- Tilioq pisortanit ikiorsiissutit pillugit nalunaarummut tusarniaanermi akissuteqarpoq.
- Tarnikkut Nappaatilinnut Immikkoortortaqarfimmut A1-imut A1-imilu pissutsit sakkortuumik isornartunut tunngatillugu Ombudsmandip misissuineranit nalunaarussiaq pillugu Tilioq aamma Sugisaq ataatsimut tusa-gassiorfinnut nalunaaruteqarlutik qisuariarput.
- Tiliup juullimut pilluaqqussutaa eqqumiitsuliortumit Nico Cortzenimit suliarineqarpoq. Nico oqarpoq: "Ulluinnanni nalinginnaasumiit allaanerunngitsut piarniarsari-sarpakka qaratsallu assigiinngiaarnerannut akuersaar-nissamut paasinninnissamullu kajumissaarisarlunga. Aamma Japanimiut titartagaat nangeqattaartut alutoraakka 19-inillu ukioqarlungali taakkuninnga soqutigisaqarsimallunga."

Suliat

Naalagaaffiit Peqatigiinni Nusnat inoqqaavisa pisinnaatitaaffiit tunngatillugu immikkut nalunaarusiortup pulaarnera

Tilioq Naalagaaffiit Peqatigiinni Nunat Inoqqaavisa Suliasaqarfianni immikkut nalunaarusiortumit José Francisco Calí Tzayimit tikeraarneqarpoq. Kalaallit Nunaanni Inuit aamma Inuit immikkut ittumik ajornartorsiutaat pillugit Inuit innarluutillit pillugit oqaaseqartartup nalunaarusiortup oqaloqatigaa, taakku qanigisaalluunniit Kalaallit Nunaanni tunngaviummik inuttut pisinnaatitaaffimmi tungaatigut sumiginnarneqarsimanertik pissutigalugu Danmarkimut piumassuserinngisaminnik nuuttariaqarsimapput. Kingusinnerusukkut nalunaarusiaq saqqummerpoq, tassani Tiliup tapersersuina ilanngunneqarpoq.

Inuit innarluutillit pillugit oqaaseqartartup immikkut ittumik nalunaarusiortumut pilersaarusiortup, taamaalilluni taassuma ilaatigut Sisimiuniinnerani ilaatigut Gertrud Rask Minde aamma Knud Rasmussenip højskolia pulaarpai kiisalu Sisimiuni peqatigiiffinit assigiinngitsunit arlalinneersut, tassunga ilanngullugit ISI, Sisimiut Qimusseq Eqlallu Tiliumi ataatsimeeqatigai.

Naalagaaffiit Peqatigiinni immikkut ittumik nalunaarusiortup Kalaallit Nunaanni tikeraarnermi kingorna erseqqis-sarpaa inuit innarluutillit pisinnaatitaaffimminik nuannaarutiginnissaminnut unammilligassaqarpallaartut. Ajornartorsiutini pingaarnepaat nalaassimallugit oqaluttuaraa. José Francisco Calí Tzayip pissutsit assigiinngitsut ernummatigalugit oqaluttuaraa, tassani inatsisitigut isumannaatsuunnginneq pissutigalugu inuit ilaqutariilluunniit Danmarkimut nuuttariaqartarput – qaavatigullu Inuttut kinaassuseqarnertik pissutigalugu immikkoortinneqartarput. Taassuma inuit innarluutillit ilinniartitaanermut immikkoortinneqarnemullu illersorneqarnemut atatil-lugu pisinnaatitaaffiit eqqortinneqannginnerat immikkut

erseqqisarpaa. Tamatuma saniatigut inuit innarluutillit inuusuttut kukkusumik inissinneqartarnerat, assersuutigalugu utoqqaat illuannut inissinneqartarnerat immikkut ernumanartoqartippaa.

Isumasioqatigiissitsineq ataatsimeersuartsinerlu: Nothing about us without us/ Inuk qitiutillugu

Innarluutilinnut suliassaqarfimmi innarluutillit peqatigiiffiit soqutiginnittunullu ukiut tamaasa Tilioq isumasioqatigiissitsarpoq ataatsimeersuartsisarlanilu. 2023-mi aqqissuussaq Ilulissani ingerlanneqarpoq qulequtarineqarlunilu *Inuk qitiutillugu*.

Maajimi Tilioq ulluni pingasuni ukiumoortumik isumasioqatigiissitsivoq, tamatumuunakkut Ilulissani peqatigiiffi-up illuutaani Orpikkami ingerlanneqarpoq. Ukiumoortumik isumasioqatigiinnermi "nothing about us without us" qulequtarineqarpoq. Nuna tamakkerlugu innarluutillit peqatigiiffiit peqataasoqarpoq aamma saqqummiisoqarneratigut isumasioqatitsisoqarneratigullu aqqiis-sutissat pillugit oqallittoqarpoq, politikerinut aalajangiiffisassatut siunnersuuteqartoqarpoq misigisallu pillugit oqaluttuat katersorneqarlutik. Naalakarsuisoq Mimi Karlsen ullup affaani peqatigiiffinik ataatsimeeqateqarpoq, tassani oqalugiartoqarpoq aamma ajornartorsiutit periarfissallu oqaluserineqarput kiisalu peqatigiiffiit aalajangiussassatut siunnersuutiminnik tunniussillutik.

Inuttut oqaluttuat, inuullu qitiutinneqarnera aallaavigalugu aqqiisutit aqqutigalugit politikikkut iliuuseqartoqalermisaa isumasioqatigiissitsinermi qitiutinneqarpoq. Innuttaasup inuunera misigisaalu aallaavigalugit aqqiisutissanik ineriartortitsinissaq anguniarneqarpoq, taamaalillutik inuit innarluutillit allannguinnissamut qitiulluinnarput. Ukiup siuliatut isumasioqatigiissitsineq "tamanut ammasumik ingerlatsinermik" naggaseneqarpoq, tassani Ilulissani innuttaasut peqatigiiffinneersunik naapitsisinaasimapput, apeqquteqarsinnaasimapput, misigisaminik oqaluttuarsinnaasimapput kiisalu oqalugiartoqarpoq aamma Mariina Frederik Elsnerilu akunniliillutik nipilersorput.

Tamatuma kingorna ataatsimeersuartsivugut pulaartusanullu suli allanut matut ammarlugit.

Ukiumoortumik qulequtarineqartumi "Inuk qitiutillugu"-mi sulianik suliarinninneq aamma pisortani aqqissuussineq inunnik innarluutilinnik qanoq pitsaannerusumik akuutitsisinnaanersoq qanorlu iliorsinnaanersoq sammi-



Naalakarsuisoq Mimi Karlsen 2023-mi Tiliup isumasioqatigiissitsinerani ataatsimeersuartsineranilu peqataavoq peqatigiiffinneersunillu oqaloqateqarluni.

neqarput. Qanoq sapinngisamik pitsaanerpaamik Kalaallit Nunaat inunnut innarluutilinnut inuiaqatigiinni akuutit-sisinnaanersoq oqallisiginiarlugu Isumaginninnermi ingerlatsiviit, isumaginninnermi siunnersortit, naalakkersuisoqarfanni pisortat, Meeqqanut, Inuusuttunut Ilaqutariinnut Peqqissutsumullu Naalakkersuisoq Mimi Karlsen aamma innarluutillit peqatigiiffiit ataatsimeersuartsiner-mi peqataapput. Aamma Nunatsinneersut, Danmark-meersut, Norgemeersut Nunavut-meersullu tamarmik immikkut nunaminni innarluutilinnut suliassaqarfimmu-tunngatillugu isiginnittaatsiminnik aaqqiissutissaminnillu saqqummiussippot. Ilaatigut angerlarsimaffimmi sungi-sarneq, innuttaasunit aqunneqartumik inunnik ikiuisar-neq, attaveqalersitsineq allarpassuillu pillugit saqqummi-soqarpoq.

Sulianik suliarinninnermut atatillugu ajornartorsiutinut aaqqiissutissat aalajangersimasut, Inunnut Issittormiu-nullu aaqqiissutit naleqqussakkat aamma aaqqiissutit inuit innarluutillit pisinnaatitaaffii pillugit isumaqatigiis-summi artikel 19 naapertorlugu nammineq aalajangiisin-naatitaanermut qulakkeerinnittut ataatsimeersuarnermi pissarsiarineqarput. Ataatsimeersuarnep kingorna taak-korpasuit ilaat Tiliup saqqummersitaani "Takorluukkat piviusunngorsinnaapput"-mi ataatsimoortinneqarput.

Allanguiniarnermik pilersitsineq "#taasinerittitusindtit/#titusindstemmer"

Ukiuootumik isumasioqatigiissitsiner-mut atatillugu peqataasut misigisaat pillugit oqaluttuat katersorneqar-put. Taakku oqaluttuarineqartut annerusumik paasititsi-niaanermi ilaapput, taakkulu eqqumaffiginnilersitsissap-put aamma inummik innarluutilimmik inooqateqarneq imaluunniit qanigisaaneq qanoq innersoq pillugu oqalut-tuartussaallutik. Tamatuma kingorna oqaluttuat katersor-neqartut #enmillionstemmer isumassarsiorfigalugu Face-bookimi gruppmut #taasinerittitusindtit/titusindstem-mer-imut saqqummiunneqarput. Kalaallit Nunaanni inuit innarluuteqarlutik inuusut innuttaasut 20%-it missilior-paat.

Inuit innarluutillit tapersersorneqarnis-saannut inatsisip allangortinnissaa pillugu workshopertitsineq

Nuummi ulluni 9.-10. oktober 2023-mi isumasioqatigiititsi-nissamut Inatsisartunit qaaqquneqarpugut. Workshop-ertitsiner-mi tassani kommunimit, naalakkersuisoqarfini-t, Isumaginninnermut Aqutsisoqarfimmit peqatigiiffi-niillu soqutigisallit peqatigalugit Tilioq inuit innarluutillit tapersersorneqarnissaannut inatsit qanoq allangortin-neqassanersoq Naalakkersuisunut ilitersuippot.


Ilaatigut qitiutippavut:

- Tamanut naleqqussaaneq toqqaannartumik inatsimmut allanneqartariaqarpoq.
- pillugit isumaqatigiissummi artikel 19 nammineq inuuneqarnissamut pisinnaatitaaffik naapertorlugu qanigisaasunut tapersersuinerunissaq kiisalu inunnut pineqartunut naleqquttunik aaqqiissuteqarnissamut periarfissaqartitsinissaq.
- Paasissutissat digitaliseeriinerullu annertunerunissaat

Inuit innarluutillit tapersersorneqarnissaannut inatsit 2024-mi atuutilissaaq neriuunarpur-lu nuna tamakkerlugu inunnut innarluutilinnut taakkulu qanigisaannut isuma-qatigiissummut qanittumik, nammineersinnaanermik pe-riarfissanillu annerulersitsisumik inatsiseqalernissarput.

Politikerinik oqaloqateqarneq

Innarluutilinnut suliassaqarfimmu-t Naalakkersuisut iliuu-sissatut pilersaarummik eqqortitsinissaat pillugu oqalo-qatiginiarlugit inuit innarluutillit pillugit oqaaseqartartoq Anja Hynne Nielsenip novemberimi naalakkersuisut arlal-it ataatsimeeqatigai. Inuit innarluutillit pillugit oqaase-qartartup suliassaqarfimmu-t akisussaasuusoq Naalak-kersuisoq Aqqaluaq B. Egede oqaloqatigaa, aammali Naalak-kersuisoq Jess Svane, Naalakkersuisoq Erik Jensen, Naalakkersuisoq Vivian Motzfeldt kiisalu Naalakkersuisoq Hans Peter Poulsen oqaloqatigai.



Innarluutillit illersuisuat aamma Naalakkersuisoq Aqqaluaq B. Egede.

Attaveqatigiinneq suleqatigiinnerlu

Nuna tamakkerlugu kommuninilu politikikkut ingerlatsi-nernut attuumassuteqartunut tamanut innarluutillit akuu-tinneqarnissaat Tiliu-mit sulissutigineqarpoq. Taamaam-mat naalakkersuisoqarfinnik, aqutsisoqarfinnik kommu-ninillu soqutigisaqartunillu allanik suleqateqarluarnissaaq attaveqateqarluarnissarlu Tiliu-mit pingaarnersiorneqar-poq. Suleqatigiissitani, siunnersuisoqatigiinni, tusarniaa-nerni aamma periusissianik iliuusissatullu pilersaarutinin-k nutaanik ingerlatsinerni Tilioq peqataasarpoq. Taamaa-liornikkut inuit innarluutillit suliniutini nutaani eqqarsaa-tigineqarnissaat Tiliu-mit sulissutigineqartarpoq.

Tiliup pingaernerpaammik inuit innarluutillit aamma innarluutillit peqatigiiffii suleqatigai. Taamaamat 2023-mi peqatigiiffinnik suleqateqarnerput nukittorsarparput soorluttaaq innuttaasunut saaffiginniffissanik aallartitsisimasugut. Naalagaaffiit peqatigiit innarluutillit pillugit isumaqatigiissutaannik eqqortitsinissaq anguniarlugu iliuusissatut pilersaarutissamut tunngatillugu sulineri peqatigiiffiit naalakkersuisoqarfinnik ataatsimeeqateqarnikkut peqataatinneqarnissaannut qulakkeerinninniarluta sulisimavugut. Ilulissani isumasioqatigiinnerup nalaani ullup affaani Naalakkersuisumik Mimi Karlsenimik ataatsimeeqateqarnissarput aqqqissuussimavarput, tassami oqaloqatigiinnissaq pingaaruteqarmat. Kiisalu peqatigiiffiup Orpikkap isumasioqatigiinnermi ataatsimeersuarnermilu qaaqquusuunera iluaquteqangaatsiarpoq, aammali peqataatinneqarnissamut suleqataannissamullu annertuumik alloriarnerulluni.

Ukiup ingerlanerani inuit innarluutillit pillugit oqaaseqartartoq suleqatigisanik amerlasuunik tassunga ilanngullugit MIO-mik, Unicef Greenlandimik, utoqqaat pillugit oqaaseqartartumik, CSR Greenlandimik, IMAK-imik, GIF-imik, Politimesterimik, US Embassymik aamma Kalaallit Nunaanni Naatsorsueqqissaartarfimmik ataatsimeeqateqarsimavoq.

Kalaallit Nunaanni Inuit Pisinnaatitaaffii pillugit Siunnersuisoqatigiit aamma Inuit Pisinnaatitaaffiit Institutti

Innarluutillit pillugit Oqaaseqartartoq Kalaallit Nunaanni Inuit Pisinnaatitaaffii pillugit Siunnersuisoqatigiinni aalajangersimasumik ilaasortaavoq. Siunnersuisoqatigiinni ilaasortatut inuit innarluutillit inuit pisinnaatitaaffiit tunngatillugu isiginnittaatsini tamani eqqarsaatigineqarnissaat Anja Hynne Nielsenip qitiutippaa. 2023-mi novemberimi Ilisimatusarfimmi siunnesuisoqatigiit unnummi sammisaqarneranni piunnessuserinngisamik nuuttarnerit – inuit innarluutillit qitiutillugit pillugit Anja saqqummii-voq.

Tilioq inunnit innarluuteqarnertik pissutigalugu innarluutillinnuunniit qanigisaasunit Danmarkimut nuunnissamik eqqarsaatigineqartunit saaffigineqakulasarpoq.

”Eqqortumik ikiorneqarsinnaaniassamat Danmarkimut nuuttariaqaraluarluta nalunngilara – taavami ilaquttatta sinneri.”

– nukappiaqqamut innarluutilimmut atuartinneqarnissamut pisinnaatitaaffigisamisut atuartinneqanngitsumut anaanaasoq taama oqarpoq.

Politikkikkut ingerlatsinermi innarluutilinnik akuutitsineq

Politikkikkut suliniutini attuumassuteqartuni tamani inuit innarluutillit eqqarsaatigineqarnissaat qulakkeerniarlugu innarluutilinnut suliasaqarfimmu tunngatillugu Innarluutillit pillugit Oqaaseqartartoq aamma Tilioq annertuumik ilisimasarput. 2023-mi suleqatigiissitani aamma ilaqutariinnut suliasaqarfimmu kiisalu innarluutilinnut suliasaqarfimmu tunngatillugu naalakkersuisoqarfiup aqqqissuussaani Tilioq peqataavoq. Tilioq arlalinnik tusarniaanermu akissuteqarpoq. Taamatuttaaq inunnut innarluutilinnut atugassarititaasut pillugit ilisimasatigut siuarsaanissaq anguniarlugu – aamma isumaqatigiissutit artikelit malinnissaannut periarfissat suunersut paasiniaarlugit kiisalu kulturerput, inuiaqatigiinni pissutsinut nunallu immikkoortuinut tunngasut naapertorlugit ingerlatsisogarnissaa qulakkeerniarlugu Naalagaaffiit peqatigiit innarluutillit pillugit isumaqatigiissummik eqqortitsinissaq anguniarlugu iliuusissatut pilersaarut pillugu Tilioq naalakkersuisoqarfinnik arlalinnik, Naalakkersuisunik kiisalu politikerinik allanik ataatsimeeqateqarsimavoq.

Nalinginnaasunngorsaanerunissaq – naalakkersuisoqarfinni tamani innarluutillit politikikkut eqqarsaatigineqartarnissaannik sulissuteqarneq aamma Naalakkersuisut kommunillu suliniutaanni tamani innarluutillit eqqarsaatigineqartarnissaat qitiutitatta ilagisimavaat. Innarluutillit politikikkut eqqarsaatigineqartarnerisa nalinginnaasunngortinnissaa isumaqarpoq suliniutini, suliani, sammisani il.il. Naalakkersuisut kommunilluunniit ataasiakkaat suliasaqarfiini assigiinngitsuni aallartisarneqartuni aallaqqaataaniilli eqqarsaatigineqartassasut. Innarluutillit assigiinngitsuummata inuillu innarluutillit nammineq inuuneqarmata tamanna pingaaruteqarpoq.

Ilisimatusarfimmi aamma Aalborg Universitetimi ilinniartunik suleqateqarneq

2023-mi upernaakkut Ivalu Sofielu specialeliortutik ilinniartut Tiliuimit suleqatigineqarput, tassani taakku innarluutillit pillugit specialiliaminnut atatillugu paasisutissanik katersinissaq siunertarlugu innuttaasut sullissisullu oqaloqatiginiarlugit aprilimi Sisimiuni, Aasianni Qeqertarsuarmilu angalasimapput. Sofie Ivalulu Tiliuimi praktikkersimapput aamma specialeliatik, Tiliup sulineranut ilisimasat paasisutissallu tungaatigut tapersisussat, 2024-mi naammassissallugit naatsorsuutigaa.

Saqqummersitat

Takorluukkat piviusunnorsinnaapput

Tilioq "Takorluukkat piviusunnorsinnaapput"-mik saqqummersitsivoq, taanna ukiumoortumik isumasioqatigiisitsinita ataatsimeersuartsinittalu inernerivaat. 2023-mi maajimi Ilulissani Tiliup isumasioqatigiisitsinerani ataatsimeersuartsineranilu aaqqiissutissatut siunnersuutit eqqartorneqarsimasut siunnersuutigineqarsimasullu tamarmik ataatsimut tassani saqqummersinneqarput. Innarluutillit peqatigiiffii, isumaginninnermut ingerlatsiviit, suliasamat immikkut ilinniarsimasut, politikerit allallu innarluutilinnut soqutiginnittut siunnersuuteqarput, aamma taakku ineriartortinneqarput, aamma workshopper-titsinerani, oqallinnerni suliarineqarput, aamma nunanit allaneersut isumassarsiofigineqarlutik. Saqqummersitaq Tiliup nittartagaani nassaarineqarsinnaavoq.

Kalaallit Nunaanni najugaqarfissatut neqeroorutini aamma ulloq unnuarlu neqeroorutini kinguaassiuutitigut kannguttaatsuliorfigineqarnissamat illersuineq

Kalaallit Nunaanni Inuit Pisinnaatitaaffii pillugit Siunnersuisoqatigiit aamma Inuit Pisinnaatitaaffiinnut Instituttip aamma Tiliup akunnerminni suleqatigiinnerisigut Kalaallit Nunaanni najugaqarfissatut neqeroorutini aamma ulloq unnuarlu neqeroorutini killiffik pillugu nutaamik aggu-stimi saqqummersitsisoqarpoq. Tassani ajornartorsiutit aamma najugaqarfissatut neqeroorutini najugaqartut qanoq pitsaaneruseq kinguaassiuutitigut kannguttaatsuliorfigineqarnermut illersorneqarsinnaanerannut tunngatillugu inersuussutit assigiingitsut qitiutillugit allaaserineqarput, ilaatigut oqartussaasut najugaqarfissatut neqeroorutinit nakkutillisariaqarnerat, aamma inuit innarluutillit kannguttaatsuliorfigineqarsimanertik pillugu isumannaatsumik nalunaarutiginninnissaannut tunngatillugu periarfissaqarnissannik isumaginninnissaat ilaatigut allaaserineqarput. Tamatuma saniatigut sakkortuumik misigisaqarnerup kingorna katsorsartinnissamat periarfissaqartariaqarpoq kiisalu kinguaassiuutit tunngatillugu ilinniartitsinerusoqartariaqarpoq aamma kinguaassiuutitigut peqqissuuneq pillugu pingaartumik innunut innarluutilinnut sammititamik pitsaaneruseq ilinniartitsisoqartariaqarpoq. Saqqummersitaq Tiliup nittartagaani nassaarineqarsinnaavoq.

Suliasamik suliarinnineq paasiuk

Suliniut Inuk qitiutillugu aallaavigalugu atuagaaqqamik oqaloqatigiinnermilu najoqqutassamik Tilioq saqqummersitsivoq. Atuagaaqqat sulianik suliarinninnermi inger-



latseriaatsimut tunngatillugu innuttaasut aqutissiuun-nissaannut iluaqutaassapput aamma najoqqutassa-q suliamik sullissisut innuttaasunut toqqissisimanartumik isumannaatsumillu avatangiiseqartitsinnissaannut tunngatillugu qulakkeerinninnissamat sullissisut piginnaasaan-nik nukittorsaataassaaq. Atuagaaqqat tamarmik Tiliup nittartagaani nassaarineqarsinnaapput.

Aaqjissuusaanikkut nakkaakkiartorpeq

Una saqqummersinneqartoq Tiliup innuttaasut saaffiginnittarnerannik misissuinerit pillugit sisamassaannik saqqummersitsineruvoq, taanna ukiup ingerlanerani Tiliup innuttaasut saaffiginnittarnerpassui tunngavigalugit misissuineruvoq. Innuttaasut inuiaqatigiinni unammilligassaat aamma inuttut ataasiakkaarlutik ajornartorsiutaat pillugit eqqumaffiginninnerulersitsiniarluni taamatut misissuisoqarpoq. Pingaartumik innuttaasut inatsisitigut isumannaatsuunermik angusaqarniarnerminni ajornartorsiuteqarnerat, pingaartumillu kommuninit aamma sulianik suliarinnittarnermi systemimit innuttaasut tapersorneqartussaataitanerannut tunngatillugu innuttaasut ajornartorsiuteqarnerat ukiumi matumani saaffiginnissutaasartut pillugit misissuinerimi sammineqarput. Innuttaasut takuneqarniaannarlutik, tusaaneqarniaannarlutik ikiorneqarniaannarlutillu qaqqarsuarmut majuar-tutut misigisarput, tamannalu amerlasuut iliuusissaarun-nerannik, kamannerannik, imminut nakorsaasersor-nerannik, angerlarsimaffeerunnerannik, imminut toqun-nerannik, aningaasaqarnikkut annaasaqarnerannik ilaqtariillu sanngiillilluinnarnerannik kinguneqartarpoq. Ilaqtariit innarluutilimmik ilaqaraangata tamanna ilaqtariinnik tamanik qanoq sunniisarnersoq 2023-mi anner-tuumik sammineqarportaaq, tamannalu matumani saqqummersinneqartumi misissorneqarpoq. Tassani erseq-qippoq qanoq annertutigisumik ilaqtariit tamakkerlugit innarluutilimmik ilaqartillugit qanoq nukissaarutsigisarnersut, pingaartumik tapersersortissanik ujarlerner-mi, tamannalu assut ajornartuuvoq. Saqqummersitaq Tiliup nittartagaani nassaarineqarsinnaavoq.

Ukiumoortumik nalunaarusiaq 2022

Ukiumi 2022-mi pisut saqqummertumi nalunaarusiarine-qarput, ilaatigut Innarluutillit pillugit Oqaaseqartartoq nutaaq Anja pisullu amerlasoorpassuit soqutiginnartullu ilanngunneqarput. Saqqummersitaq Tiliup nittartagaani nassaarineqarsinnaavoq.



Innuttaasut saaffiginnissutaat

Inuuniarnikkut atukkat eqqarsaatigalugit inuit innarluutilinnut tunngatillugu annertuumik naligiingitsoqarnera 2023-mi Tiliutum saaffiginnissutinit erserpoq. Tunngaviusumik pisariaqartitat, soorlu isertitat, nerisassat ineqarnerlu qulakkeerneqanngillat. Inuppasuit innarluutillit pisortanit ikiorsiissutinik pisartagaqarput isertitaqanngiivillutiluunniit. Suliffeqarfinni inunnut innarluutilinnut inissaqartitsiffiunngitsitsinngikkajuttarnerat pissutigalugu inuit amerlasuut pingaartumik siusinaartumik pensionisqaqarput, naak pisinnaagaluarlutik sulerusukkalarlutillu. Tusartarparput inuit qaqorsaatisiiniallutik, nerisassarsiniarlutik innaallagissamullu – tassa tunngaviusumik pisariaqarluinnartunut akiliiniarlutik sipaartariaqartut. Tama-

tuma kingunerisaanik amerlasuut ineqanngillat – imaluunniit angerlarsimaffeqaqngivissorput imaluunniit qanigisami ikinngummiluunniit sofaanni sinittariaqartarput imaluunniit avatangiisini tujorminartuni najugaqartarput. Allat immaqa ineqarsinnaapput, pisariaqartitaminulli naleqqutinngilluinnartuni najugaqarlutik.

Inuppasuit innarluutillit annertuumik ikiorneqarnissamik tapersorneqarnissamillu pisariaqartitsisut ajorluinnartunik nalaataqarput, tassa ikiorneqartariaqarfimminni ikiorneqarsinnaatitaaffimminilu ikiorneqarnatik. Kisitsisinit ersersinneqarpoq:

39% saaffiginnissutit tamarmik taama amerlatigisut innuttaasut eqqortumik suliamik suliarinninnermi sullinneqarnissartik pillugu ajornartorsiorlutik saaffiginnittarput

44 innuttaasut ulluinnarnut akissaqaqnginnertik pissutigalugu attavigisimavaatigut

24 innuttaasut inissiat naleqqutinngitsut, inissamik nassaarnej ajulernerq imaluunniit ineqarnermut akiliinissamut akissaqaqnginneq pillugit ajornartorsiornerminnik nalunaaruteqarput

7 innuttaasut angerlarsimaffeqaqarnatik misigisimavaat

9 innuttaasut immikkoortinneqarlutik misigisimavaat

5 innuttaasut kinguaassiuutitigut atornerlunneqarsimapput

3 innuttaasut nakuuserfigineqarsimapput

Tamatta taamatut nalaanneqarsinnaavugut. Tamatta innarluuteqalersinnaallutalu innarluutilinnut qanigisanngorsinnaavugut.

Kommunini tamani tallimani illoqarfii nunaqarfillu saaffiginnissutaat 225-usut pissutigalugit taamatut ilisimasaqarpuq.

Tiliumut saaffiginninnerit


Innuttaasut tamarmik Tiliumut attaveqarnissaminnut tikilluaqqusaapput. Innuttaasut innarluutillit, taakku qanigisaat, suliasamat immikkut iliniarsimasut, oqartussaasut suliffeqarfiillu pisinnaatitaaffisik inatsillu pillugit siunnersorneqarniarlutik ilitsersorneqarniarlutillu uagutsinnut attaveqarsinnaapput.

Tilioq e-mailikkut: **info@tilioq.gl** ikkut attavigineqarsinnaavoq, Sisimiuni Tiliup allaffianut ornigulluni saaffiginnittoqarsinnaavoq imaluunniit oqarasuaammut saaffiginniffissamut **24 22 44**-mut attaveqartoqarsinnaavoq, piffissani ukunani:

Ataasingorneq	13.00-16.00
Marlungorneq	13.00-16.00
Pingasungorneq	Matoqqavoq
Sisamangorneq	13.00-17.00
Tallimangorneq	10.00-12.00

Saaffiginninnermi ussersorluni oqalutsimik pi-sariaqartitsisoqassappat innuttaasup tamanna nalunaarutigisinnaavaa, taamaalilluni oqaloqatiginninnissamut Tilioq oqalutsimik inniminniisnaassaaq. Tiliumut saaffiginninnermi aallaaviatigut minnerpaamik paasissutissanik ukuninnga perusuttarpugut: Ateq, mobiilip normua imaluunniit e-mail, kiisalu saaffiginninnermut tunuliaqutaasoq. Saaffiginnissut misissorsimaleriarangatsigu akisarpugut.

Suliat ataasiakkaat inunnut innarluutilinnut tunngasut Tiliumit aalajangiiffigineqarsinnaangillat, assersuutigalugu kommunimi sulianik sullissisoq, taamaattorli inuit innarluutillit pisinnaatitaaffii aamma naammagittaalliorfissat pillugit siunnersuisarpugut ilitsersuisarlutalu.





TILIUMUT TAPIISUT

Diskoline aamma Unique Tours

Ilulissani Tiliup peqatigiiffinnut isumasioqatigiissitsineranut atatillugu tapersiilluni angallassineranut

Tipsernermit Lottornermiillu aningaasat

Suliniut “Inuk qitiutillugu” tapersersorniarlugu

Nunanut avannarlernut immikkut aningaasaliissutit

“Ulloq unnuarlu paaqqinnittarfinni kinguaassiuutitigut atornerluineq” pillugu saqqummersinneqartoq tapersersorniarlugu

Nunafonden

Royal Arctic Line

KNR

Isaksen Design

Pisiffik Ilulissat



